

Ulang-alik 340km setiap hari

Oleh Ekhwan Haque
Fazlul Haque
ekhwan@hmetro.com.my

Guru redah perjalanan jauh demi bersama ibu, anak murid Orang Asli

Kuala Lumpur

Seawal jam 4 pagi ketika insaan lain lena diulit mimpi, wanita ini meredah perjalanan dari Kota Bharu, Kelantan menuju Sekolah Kebangsaan (SK) Rancangan Penempatan Semula (RPS) Banun di Gerik, Perak.

Hamidah Mohammad, 39, sanggup meredah perjalanan sejauh 340 kilometer (km) sehari sejak lapan tahun lalu untuk tinggal bersama ibu tersayang selain mahu mendidik anak bangsa khususnya masyarakat Orang Asli agar menjadi insan berguna satu hari nanti.



HAMIDAH (kanan) bersama murid SK Rancangan Penempatan Semula (RPS) Banun, Gerik, Perak.

Menceritakan rutin hariannya, guru berasal dari Pengkalan Chepa itu berka-

ta, dia memulakan perjalanan ke sekolahnya yang mengambil masa lebih tiga jam

perjalanan dengan jarak 170 km sehala.

Katanya, walaupun sedar

jarak sekolah dan rumahnya jauh namun Hamidah sanggup mengeneipkan kepenatan itu kerana mahu menetap bersama ibunya, Hasmah Ahmad, 70, yang sering sakit.

“Ketika memulakan profesion perguruan, saya mengajar di SK Pantai Besar, Batu Kurau, Perak sebelum membuat keputusan berpindah ke sekolah yang berhampiran dengan rumah.

“Namun ketika permohonan dibuat, hanya SK RPS Banun yang mempunyai penempatan kosong.

“Walaupun jauh dari rumah, tetapi saya bersetuju kerana mahu menetap bersama ibu yang sering sakit.

“Itu lebih memudahkan saya memantau kesihatan-

nya tanpa perlu bimbang jika berjauhan memandangkan saya belum berumah tangga,” katanya yang mengajar subjek bahasa Melayu.

Menurutnya, nyaris terbasbas dan pernah mengalami kemalangan kerana kepenatan serta tidur singkat tidak mematahkan semangatnya untuk meneruskan tanggungjawab yang digalas sejak 11 tahun lalu.

Katanya, sepanjang perjalanan pergi dan pulang, dia akan singgah sekurang-kurangnya di tiga lokasi untuk berehat seketika serta solat kerana bimbang meneruskan pemanduan dalam ketletihan yang boleh menyebabkan kemalangan seperti yang berlaku beberapa tahun lalu.